



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Jncipit solemne opus expositionis Euangeliorum
dominicalium tocius anni reuerendi magistri Alberti de
Padua ordinis frat[rum] heremitaru[m] sancti Augustini**

Albertus <de Padua>

Vlme, 1480

Secunda pars.

urn:nbn:de:hbz:466:1-30888

Sermo

deimoquinto capitulo. Euacuabit omnem principatum. potestatem. et virtutem dicit ibidem glosa. Dum durat mundus angelis angelis presunt. demones demonibus. homines hominibus ad utilitatem viventium vel deceptionem. sed omnibus collatis iam omnis prelatio cessabit. quia necessaria non erit.

Secunda pars:

Secundo autem dicitur. Et tunc videbunt. tangitur venientis iudicis magnifica apparitio. Circa quod quinq; innuuntur. Primum est manifestus aduentus dicens: Et tunc: Istud illi soli est notum qui venturus est iudicare: Videbunt: clare certe et manifeste intuebitur eum omnis oculus. et qui eum pupugerunt. Ut dicit in psal. Deus enim noster manifeste veniet deus noster et non silebit. et qui pro omnibus humanatus est ab omnibus videbitur. Secundo ponitur humanitatis natura. filium hominis: id est filium virginis. sicut enim vulgato nomine. nomen hominis de viro intelligitur sicut enim de digniori. quamquam sit commune nomen utriusque sexui ita quia virgo salutem viris recuperavit et mulieribus excellenter nomen hominis appellatur. Iudicabit autem christus mundum in forma nature humane propter tria. Primo quidem quia si in forma humana mundus eum condemnauit in iuste. rationabile est ut in eadem forma mundum iuste iudicet. Vnde psal. Deus iudicium tuum regi da. Secundo ad confusio nem iudeorum quatenus videntes se iudicaturi ab homine inique credere noluerunt confundantur ysa. quadragesimo quinto. c. Ad eum venient et confundentur omnes qui repugnant ei. Tercio ad penam reproborum videntium se iudicari non ab angelo sed ab homine. et ad gloriam electorum videntium naturam sui generis excellentissime exaltatam. L Tercio ponitur honor venientis. Venientem in nube: In legibus sanctum est quod nulla proferatur sententia nisi iudice pro tribunali sedente. Thronus autem regalis christi iudicantis erit nubes. Vnde Ecclesi. vicesimo quarto. Ego inquit in altissimis habito et tronus meus in columna nubis. Duplex autem causa esse potest quod veniet in nube. Prima ut dicit Origenes quia sicut eo ascendente in celum nubes eum tulit propter honorem ascendentis. ita eum deferat descendentem. Secunda causa potest esse quia tanta erit claritas corporis eius. quod nisi in nube. videri non posset. sicut nec claritas solis. et ideo ut dicit psalmista. Nubes et caligo in circuitu eius.

Secundo

Quarto ponitur venientis potestas. Cum potestate magna: ad puniendos reprobos sine potestate eius et virtute iudicis auctoritas nulla est. Et bene oportet hanc potestatem magnam esse. quoniam iudicat magnos et paruos. reges et principes. tyrannos. et quod plus est etiam angelicam creaturam. propter hanc potestatem timebunt eum omnes. Et tunc incipient dicere omnes peccatores montibus. cadite super nos et collibus cooperite nos et desiderabunt mortem et non inuenient. ut dicitur Apoca. 6. **¶** Quinto ponitur iudicis maiestas Et maiestate. Maiestatem diuinitatis eius soli homines videbunt qui mundo corde sunt. Unde de eis scriptum est Mathi quinto. Beati mundo corde quoniam ipsi deum videbunt. De reprobis vero dicitur Tolla tur impius ne videat gloriam dei. videbunt enim impij potestatem eius ut timeant. sed non diuinitatem ne gaudeant. Et nota quod maiestas christi etiam erit in honore communicantium secundum multitudinem celestium spirituum. patriarcharum. prophetarum. martirum. confessorum. virginum. et apostolorum qui sedebunt super sedes assessores regis. iudicantes duodecim tribus israel. De ista comitiua dicitur Deuteronomii. 33. Apparuit dominus de monte pharan et cum eo sanctorum milia.

Tercia pars.

Et ratio ponitur electorum propinqua consolatio: tunc dicitur. His autem etc. Et quatuor sunt videnda. Primo enim reddit electos attentos adpropinquam ipsorum redemptionem. Unde dicit: His autem signis et mirabilibus fieri incipientibus: cum peccatores arescent pre timore et expectatione malorum vos qui estis genus electum regale sacerdotium. gens sancta. populus acquisitionis: respicite: id est. diligenter attendite et considerate. Et leuate capita vestra. id est. mentes vestras cum gaudio erigite. ysaie. 65. Gaudete tunc leticia qui in tristitia fuistis. quoniam appropinquabit redemptio vestra. Nota quod virtute passionis christi redemptio electorum facta est. sed eiusdem redemptionis effectum nondum plenarie consecuti sunt. Adhuc enim grauamur nexibus corporis. Tunc vero ut dicitur ysaie quadragesimo. Iusti mutabunt fortitudinem ita ut penitus caro subiciatur spiritui etiam adhuc mortis legi subiciamur. Sed ut dicit apostolus primo Corinthi. c. decimo quinto. Tunc fiet sermo qui scriptus est. Absorpta est mors in victoria. adhuc malorum hominum premimur. Sed tunc implebunt illud promissum querimonie sanctorum Apocal. sexto dicitur